

Evening Dogri (NSD) News

26 Dec. 2025

खास खबरां

1. प्रधानमंत्री नरेन्द्र मोदी हो'रें वीर बाल दिवस दे मौकै पर आखेया जे Gen Z ते Gen Alpha देश गी विकसित राश्ट्र बनाने दे लक्ष्य बक्खी लेई जागंन।
2. राश्ट्रपति द्रौपदी मुर्मू हो'रें "वीर बाल दिवस" दे मौके पर प्रधानमंत्री राश्ट्रीय बाल पुरस्कार प्रदान कीते। उ'नें आखेया जे ए पुरस्कारें- प्राप्त करताएं गी प्रोत्साहित करगंन ते देश भर दे बच्चें गी प्रेरित करगंन।
3. मुख सचिवें दा पंजमा राश्ट्रीय सम्मेलन दिल्ली च शुरु- जिसदी अध्यक्षता कल प्रधानमंत्री श्री मोदी होर करगंन।
4. केन्द्रीय गृहमंत्री अमित शाह हो'रें नमीं दिल्ली च NIA आसेया आयोजित आतंकवाद विरोधी सम्मेलन दा उदघाटन कीता।
5. भारत नै H-1B वीजा च चिर गी लेइयै अमरीका कन्नै गल्लबात कीती। बांगलादेश च अल्पसंख्यकें पर हमलें गी लेइयै चिंता जताई।
6. सरकार नै सोशल मीडिया पर प्रसारित होआ'रदे उस लेख दा खंडन कीता ऐ- जिस च दावा कीता गया हा जे केन्द्र फोन कॉल ते सोशल मीडिया ऐप्स लेई नमें संचार नियम लागू करा'रदा ऐ।

<><><><><><>

PM -Veer Ball Diwan

प्रधानमंत्री नरेन्द्र मोदी हो'रें आखेया जे नमीं नीतियां युवा सशक्तिकरण पर केन्द्रित ऐ ते राश्ट्र निर्माण च युवाएं गी केन्द्र च रखेया जा'रदा ऐ। अज्ज नमीं दिल्ली दे "भारत मंडपम" च वीर बाल दिवस कार्यक्रम गी सम्बोधित करदे होई श्री मोदी हो'रें आखेया जे Gen Z ते Gen Alpha देश गी विकसित राश्ट्र बनाने दे लक्ष्य बक्खी लेई जागंन। उ'नें इस गल्ल पर जोर दिता जे नौजवानें लेई हर क्षेत्र च नमें मौके खुला'रदे ना। इस मौके पर श्री मोदी हो'रें राश्ट्रीय बाल पुरस्कार दे 20 जेतूएं कन्नै गल्लबात कीती। समारोह गी सम्बोधित करदे होई श्री मोदी हो'रें आखेया जे अज्ज देश साहिबजादे दे अनुकरणीय साहस ते बलिदान गी चेता करा'रदा ऐ जेड़ा जे देश दा गौरव ऐ।

<><><><><><>

Prez- Bal Puraskar

राष्ट्रपति द्रौपदी मुर्मू हो'रें अज्ज नमीं दिल्ली च "वीर बाल दिवस" दे मौके उप्पर प्रधानमंत्री राष्ट्री बाल पुरस्कार भेंट कीते। इस ब'रे 18एं राज्यें ते केंद्र शासत प्रदेशें दे 20 बच्चें गी उं'दी उत्कृष्ट उपलब्धियें लेई सम्मानत कीता गेआ ऐ। इस मौके उप्पर राष्ट्रपति मुर्मू हो'रें आखेआ जे एह पुरस्कार, इ'नेंगी हासल करने आहलें गी ते प्रोत्साहित करडन गै कन्नै गै देश भरै दे बच्चें गी बी प्रेरित करडन। ध्यानजोग ऐ जे पुरस्कार हासल करने आहले बच्चें दलेरी, कला ते संस्कृति, पर्यावरण, नमिएं काहडें ते विज्ञान ते तकनीकें सने होरनें बक्ख-बक्ख खेत्तरें च असाधारण जोगदान दिता ऐ।

<><><><><><>

LG Tributes Sahibzade

लेफ्टिनेंट गवर्नर मनोज सिन्हा हो'रें वीर बाल दिवस दे मौके पर अज्ज श्री गुरु गोबिंद सिंह जी महाराज हुं'दे निक्के पुत्तरें साहिबजादे-बाबा जोरावर सिंह जी ते बाबा फतेह सिंह हो'रें गी श्रद्धांजलि भेंट कीती। एलजी सिन्हा हो'रें इस सरबंश्चै च सोशल मीडिया पर जारी इक स्नेह च आखेआ जे ओह साहिबजादे गी श्रद्धांजलि भेंट करदे न, जिंदी दलेरी ते कुर्बानी, प्रेरणा दा स्रोत न। एल.जी हो'रें आखेआ जे माता गुजरी जी हुं'दी शक्ति ते श्री गुरु गोबिंद सिंह जी हुं'दी महान शिक्षा, लगातार मनुक्ख जाति दा मार्गदर्शन करदी ऐ ते असें सबनें गी बरोबरी ते दया भावना दे सिद्धांतें गी अपनाने लेई सदा प्रेरित बी करदी ऐ।

<><><><><><>

Railway Fare Rationalization

रेलवे नै अज्जै थमां अपने करायें गी युक्तिसंगत बनाने लेई गैह पुट्टी ऐ। नमें सिरेआ तैय करायें आहली बवस्था मुजब, आम श्रेणी आहले वर्ग च 215 किलोमीटर तगर दे सफर लेई लगने आहले करायें च कोई बाद्दा नेई कीता गेआ ऐ। 215 किलोमीटर थमां बद्द आहले सफर लेई, हर किलोमीटर स्थाबै इक पैसा बधाया गेआ ऐ। बिजन ए.सी. आहिएं ते कन्नै एक्सप्रेस रेलगड्डिएं च इस कराये च 2 पैसा फी किलोमीटर स्थाबै बाद्दा कीता गेआ ऐ। रेलवे नै ए.सी. श्रेणी च हर किलोमीटर स्थाबै 2 पैसे दा बाद्दा कीता ऐ। एहदे च इब्बी दस्सेआ गेआ ऐ जे अद्-शैहरी ते म्हीनावार सीजनल टिकटें दे पैसें च बी कोई बाद्दा नेई कीता गेआ ऐ।

<><><><><><>

PM -Chief Secys Conference

मुख्य सचिवें दा पंजमा राश्ट्रीय सम्मेलन अज्ज नमीं दिल्ली च शुरु होई गेया ऐ। प्रधानमंत्री नरेन्द्र मोदी हो'र कल यानि शनिवार ते ऐतवार गी सम्मेलन दी अध्यक्षा करगंन। त्रै-दिन दे इस सम्मेलन दा मकसद राश्ट्रीय प्राथमिकताएं पर बवस्थित ते लगातार गल्लबात जरिए केन्द्र राज्य सांझेदारी गी मजबूत करना ऐ। प्रधानमंत्री हुंदी सहकारी संघवाद दी परिकल्पना पर आधारित एह सम्मेलन ऐसे मंच दे रुपै च कम्म करदा ऐ- जित्थे केन्द्र ते राज्य रलियै कम्म करदे न। ओ देश दी मानव पूंजी क्षमता गी मते थमां मता इस्तेमाल करने ते समावेशी भविष्य लेई विकास गी तेज करने आस्तै एकीकृत रोड-मैप तयार करदे न।

<><><><><><>

HM –Counter Terrorism Conf.

गृहमंत्री अमित शाह हो'रें अज्ज नमीं दिल्ली च NIA आसेया आयोजित आतंकवाद-रोधी सम्मेलन दा उदघाटन कीता। सम्मेलन च श्री शाह हो'रें आतंकवाद रोधी सम्मेलन दा उदघाटन कीता। सम्मेलन च श्री शाह हो'रें आतंकवाद रोधी अभियानें च सराहनीय सेवा ते योगदान लेई NIA दे 9 कर्मियें गी सेवा पदक ते वीरता पदक कन्नै सम्मानित कीता। गृहमंत्री हो'रें सोशल मीडिया पोस्ट च आखेया जे आतंकवाद मानवता दा सब्बनें शा बड्डा दुश्मन हे ते सब्बै गी मिलियै इस कन्नै लड्डना होगा। उ'नें आखेया जे नरेन्द्र मोदी सरकार देश च आतंकवाद पर लगाम कसा'रदी ऐ। गृहमंत्री हो'रें आखेया जे देश दे विचार मंच आखे जाने आहला एह सम्मेलन आतंकवाद गी खत्म करने च सब्बनें शा प्रभावी योजना तयार करने लेई सब्बै एजेंसियां इक थाहर आनदा ऐ।

<><><><><><>

HM- Constitution Santali

केन्द्रीय गृहमंत्री अमित शाह हो'रें संताली भाषाएं च संविधान दे प्रकाशन पर खुशी व्यक्त कीती ऐ। सोशल मीडिया पर इक पोस्ट च उ'नें आखेया जे एह संताली समुदाय दे कन्नै-कन्नै पूरे देश लेई गर्व दा विषय ऐ। गृहमंत्री हो'रें आखेया जे ओल चिकी लिपि च संविधान दे प्रकाशन करी जनजातीय समाज तोड़ी आदर्श ते मूल्यें दा संदेश पुज्जोग। उ'नें आखेया जे इस कन्नै संविधान निर्माताएं दा सुखना पूरा होगा।

<><><><><><>

HM -Udham Singh

केन्द्रीय गृहमंत्री अमित शाह हो'रें अज्ज स्वतंत्रता सेनानी शहीद उधम सिंह हो'रें गी हुंदी जंयति पर श्रद्धांजलि अर्पित कीती। सोशल मीडिया पोस्ट च श्री शाह हो'रें आखेया जे अमर शहीद उधम सिंह हो'रें जलियावाला बाग हत्याकांड च शहीद होए दे देशवासियों दा बदला लैने च- अद्वितीय साहस ते वीरता दा परिचय दिता। उ'नें आखेया जे उधम सिंह हो'रें गदर आंदोलन राएं भारतीय स्वतंत्रता संग्राम दी मशाल गी विदेशें तोड़ी फैलाने च बी अगेत्री भूमिका नभाई।

<><><><><><>

Chouhan –G RAM G

कृषि ते ग्रामीण विकास मंत्री शिवराज सिंह चौहान हो'रें आखेया जे विकसित भारत जी. राम जी योजना तैहत बरे 2047 तोड़ी विकसित भारत दे लक्ष्य गी साकार करने लेई ग्रामीण क्षेत्रें च विकास कम्म कीते जागंन। डी.डी. न्यूज कन्नै गल्लबात च श्री चौहान हो'रें आखेया जे इस योजना तैहत हर इक ग्रामीण परोआर लेई वैधानिक मंजूरी रोजगार गारंटी इक सौ दिन थमां बदाइयै 125 दिन करी दिता गया ऐ। उ'नें दस्सेया जे आवेदन दे 15 दिन दे अंदर कम्म नैई थोने पर अनिवार्य बेरोजगारी भत्ता दिता जाग। श्री चौहान हो'रें आखेया जे मजदूरी- समग्री ते प्रशासनिक घटके पर कुल अनुमानित वार्षिक निधि दी जरूरत इक लख 51 ज्हार करोड़ रपे शा मता ऐ। इस च केन्द्र सरकार दा हिस्सा 95 ज्हार करोड़ रुपै शा मता ऐ।

<><><><><><>

Aandhra- Accidents

आंध्र-प्रदेश च अज्ज बडुलै दो बक्ख-बक्ख सिडक हादसे च 7 लोकें दी मौत होई गई ते 5 होरनें जख्मी होई गे न। गुनटूर जिले च इक निजि यात्री बस दे कार कन्नै टकराने करी 3 लोकें दी मौत होई गी ते त्रै होरनें जख्मी होई गे।

<><><><><><>

Search Op Anantnag

जम्मू-कश्मीर पुलस दे बशेश कार्रवाईएं सरबन्धी समूह – एस.ओ.जी दे अनंतनाग युनिट आसेआ अनंतनाग दे मीर दनतेर ग्रांड च संदिग्ध आतंकवादिएं दी नक्लोहरकत दे मद्देनज़र उत्थे घेराबंदी ते तपाशी अभियान चलाया गेआ। इस दरान सुरक्षाबलें दे जवानें आसेआ घर-घर जाइयै उत्थे तलाशी लैती गेई ते ग्रांड शा बाहर जाने आहले सबनें रस्तें गी सील करी दिता गेआ- तांजे संदिग्ध आतंकवादी उत्थुआं बचियै नस्सी नेई सकन। उ'आं खीरी जानकारी थोने तगर सुरक्षाबलें दा अभियान जारी हा पर कुसै किस्मै दी कोई कामयाबी हत्थ नेहा लग्गी दी। सरबन्धत अधिकारिएं, मुकामी लोकें गी गुजारिश कीती ऐ जे ओहू घाबबरन नेई ते सुरक्षाबलें दा सैह्योग करन कीजे सुरक्षाबलें दी कार्रवाई दा मकसद खित्ते च रमानदारी ते सुरक्षा स्थिति गी बरकरार रक्खना ऐ।

<><><><><><>

MEA Spokesperson

H-1B वीजा धारक भारतीय नागरिकें गी होआ'रदी दिक्कतें गी दूर करने ते कम्म करने लेई भारत-अमरीका कन्नै सक्रिय रुपै नै जुड़ा होआ ऐ। अज्ज नमीं दिल्ली च मीडिया गी जानकारी दिंदे होई विदेश मंत्रालय दे प्रवक्ता रणधीर जायसवाल हो'रें आखेया जे अमरीकी वीजा Appointment दी तरीख तय करने जां उसी बदलने च चिर ते कठनाइयें दा सामना करा'रदे भारतीय नागरिकें थमां सरकार गी केंई शकैतां थोइयां ना। उ'नें आखेया जे भारत नै नमीं दिल्ली ते वाशिंगटन डी.सी. च अमरीकी अधिकारियें दे सामने ए चैंता पुट्टी ऐ। प्रवक्ता हो'रें बांगलादेश च अल्पसंख्यकें खलाफ होआ'रदे हमलें पर गैहरी चिंता व्यक्त कीती।

<><><><><><>

Fact Check

सरकार नै सोशल मीडिया पर प्रसारित होआ'रदी उस खबर दा खंडन कीता ऐ- जिस च दावा कीता गया ऐ जे केन्द्र सरकार फोन कॉल ते सोशल मीडिया ऐप्पस लेई नमें संचार नियम लागू करा'रदी ऐ। पी.आई.बी दी तथ्य जांच ईकाई नै इस दावे गी फर्जी दस्सेया। सरकार नै आखेया जे ऐसे कोई नियम लागू नेई कीते गे ना। पी.आई.बी नै नागरिकें थमां गुजारिश कीती ऐ जे ओ जानकारी लेई छड़ा आधिकारिक स्रोतें पर गै भरोसा करन ते कुसै बी जानकारी सांझा करने कोला पैहले औदी पृष्ठि करी लैन।

<><><><><><>

BNP -Peace

बांगला देश च बांगलादेश नैशनलिस्ट पार्टी दे कार्यवाहक अध्यक्ष तारिक रहमान हो'रें इक समावेशी समाज दा दृष्टीकोण पेश करदे होई लोके थमां शांति बनाए रखने दा आग्रह किता ते आखेया जे एह देश मुस्लमान- हिंदू- बौद्ध ते ईसाई सनें सब्बे धर्मे दो लोके दा ऐ। उ'नें एह ब्यान नेह समय दिता ऐ- जिस्सलै पिच्छले बरे अगस्त च अंतरिम सरकार दे सत्ता च औने दे बाद- बांगलादेश च अल्पसंख्यके खासकर हिंदुएं खलाफ केई घटनां होइयां न। 17 बरे बाद ढाका पुज्जने दे बाद पार्टी समर्थके गी सम्बोधित करदे होई रहमान हो'रें आखेया जे हुंन समय आई गोया ऐ जे सब्बे रलियै नमें बांगलादेश दा निर्माण करचे।

<><><><><><>

IMD- Weather

भारतीय मौसम विभाग नै अज्ज पूर्वी उत्तर-प्रदेश च कोहरें दा रेड-अलर्ट जारी कीता ऐ। दिल्ली- झारखंड- हरियाणा- चंडीगढ़- पंजाब- छत्तीसगढ़ ते पश्चिमी राजस्थान दे किश हिस्से च शीत लैहर दा अनुमान व्यक्त किता ऐ। असम- मेघालय ते उत्तर-प्रदेश च घना कोहरा छाया रौहग। पूर्वोत्तर- उत्तराखंड- ओडिशा- पच्छिम- बंगाल- हिमाचल प्रदेश- पूर्वी मध्य प्रदेश ते जम्मू-कश्मीर दे किश थाहरें पर बी 30 दिसम्बर तोड़ी घना कोहरा रौहग।

<><><><><><>

Jt Search Op

सीमा सुरक्षा बल – बी.एस.एफ ते पंजाब पुलिस दे जवानें पठानकोट जिले दे पहाड़ीपुर ग्रांठ दे अंदरूनी इलाके च सांझा तपाशी अभियान चलाया। एहदा मकसद थेहारबंद बलें दिएं कार्रवाईएं सरबन्धी तालमेल च बाद्दा करियै इलाके च गलबे गी बदाना ते बन्ने दी सुरक्षा गी निगगर करना ऐ। तोआई पाकिस्तान आहली बक्खी दा आतंकवादी घुसपैठ दी शेंका दे मद्देनज़र जम्मू च अंतरराष्ट्री बन्ने ते गोआंडी पंजाब राज्य दे अगेत्रे जिलें च बी सुरक्षाबलें निगरानी सख्त करी दिती ऐ ते सुरक्षाबलें गी हाई-अलर्ट पर रक्खेआ गेदा ऐ। जम्मू खित्ते दे जम्मू, साम्बा ते कठुआ जिलें सने गवांडी राज्य पंजाब दे बन्ने आहले जिलें च मती सतर्कता बरती जा'करदी ऐ तांजे खराब मौसम ते घनी धुंध ज्नेह हालात दा फायदा ठोआइयै आतंकवादी, इस बक्खी घुसपैठ नेई करी सकन।

<><><><><><>